

COMISIÓN INFORMATIVA DE CULTURA, DEPORTES E MOCIDADE

ACTA da mencionada comisión informativa, correspondente ó día **19 de xullo de 2018**

ASISTENTES:

PRESIDENTE: D. Manuel Doval Soto DEPUTADOS/AS: D. ^a Consuelo Vispo Seara D. José Antonio Feijóo Alonso D. Antonio Montero Fernández D. Miguel A. Cid Álvarez D. ^a M. ^a Teresa Cerdeira Valiñas D. Vicente Gómez García D. Adolfo González Nóvoa D. ^a Susana Rodríguez Rodríguez D. Armando Ojea Bouzo D. Ramiro Rodríguez Suárez SECRETARIO: D. Juan Marquina Fuentes INTERVENTORA ACCTAL: D. José Mosquera Casero	No Pazo da Deputación Provincial de Ourense, o 19 de xullo de 2018 , ás 18.00 horas, baixo a presidencia de don Manuel Doval Soto e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes acordos:
--	--

1º.- ACTA ANTERIOR, CORRESPONDENTE Á ORDINARIA DO DÍA 21 DE XUÑO DE 2018.-

En relación coa acta da reunión anterior, correspondente á ordinaria do día 21 de xuño de 2018, non se formulan observacións e queda aprobada por unanimidade.

2º.- APROBACIÓN DA PROGRAMACIÓN ANUAL DA ESCOLA ARTES E OFICIOS CORRESPONDENTE AO CURSO 2018-2019.-

O Sr. presidente dá conta do contido da proposta da Presidencia.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

1º.- Aprobar a programación anual da Escola de Artes e Oficios para o curso 2018-2019, co seguinte contido:

a) Accións formativas que se desenvolverán:

- Debuxo e iniciación á pintura
- Perfeccionamento en pintura.
- Talla e escultura en madeira.
- Modelado-escultura en barro.
- Olería .

b) Calendario dos cursos: do día 1 de outubro de 2018 ao 30 de xuño de 2019.

- Impartiranse 3 horas de docencia diarias de cada disciplina en días hábiles, de luns a venres, e en horarios que fixará a Dirección da Escola.
- En función da matrícula efectivamente existente, a Dirección poderá organizar o contido de cada disciplina nos grupos e horarios que se estimen máis convenientes.
- A impartición dos cursos levarase a cabo nas aulas da Escola de Artes e Oficios utilizando os medios materiais dispoñibles.

Non obstante o anterior, o material de traballo de cada alumno (pintura, lenzos, molduras, etcétera) será por conta deste. Como excepción, no curso de olería e modelado, a Deputación poderá adquirirlle o barro a un distribuidor e cobrallo ao alumno a prezo de custo, sen prexuízo de que estes poidan adquirilo pola súa conta, se así o desexan.

c) Prazo e procedemento de inscrición para a participación nas accións formativas.

O prazo de inscrición será durante os días 1 ao 30 de setembro, ambos incluídos. A inscrición realizarase no Centro Cultural “Marcos Valcárcel” (rúa Progreso, n.º 30)

no modelo normalizado dispoñible nas ditas oficinas e esixirá o ingreso da matrícula anual establecida.

A presentación do formulario de inscrición coa acreditación do pago de matrícula permitirá entender automaticamente realizada esta. Poderán matricularse alumnos a partir dos 12 anos de idade.

d) Prezos públicos pola participación en accións formativas.

- Matrícula anual por disciplina: 50,00 €

- Abono mensual por disciplina: 10,00 €/mes por alumno.

A matrícula debe ser pagada no momento da inscrición, constituíndo requisito previo imprescindible para a súa efectividade.

O pago da cota mensual deberase efectuar por adiantado nos primeiros cinco (5) días de cada mes. A falta de pago dará lugar de forma automática á suspensión do dereito de asistencia ao curso, que se manterá ate que se realice o referido pago.

Os prezos públicos indicados inclúen o IVE correspondente.

- Bonificacións: En todos os prezos públicos aplicaráselles unha bonificación do 100% aos alumnos que teñan a condición de desempregados ou que formen parte dunha unidade familiar na que os dous proxenitores se atopen en situación legal de desemprego. A acreditación da condición de desempregado realizarase mediante certificación expedida polo Servizo Público de Emprego.

Ao abeiro do establecido no artigo 4.1.c) da Ordenanza reguladora da Escola de Artes e Oficios, establécese unha bonificación do 100% tanto na matrícula anual como no abono mensual, en todas as disciplinas para as persoas con síndrome de Down e persoas cun grao de discapacidade recoñecido igual ou superior ao 33%. Para o acceso á dita bonificación, os interesados deberán acreditar o seu grao de discapacidade.

2º.- Ordenar a publicación no BOP deste acordo, para xeral coñecemento.

3º.- MOCIÓN DO BNG A RESPECTO DO TOPÓNIMO OURENSE.-

D. Ramiro Rodríguez Suárez, portavoz do BNG, expón o contido da moción.

Non se producen intervencións e co voto favorable do BNG (1) e a abstención do Grupo Popular (6), do Grupo Socialista (3) e de Democracia Ourensana (1), a comisión ditamina favorablemente a adopción, por parte do Pleno, do seguinte acordo:

Dirixímonos a RAE para esixirlle que en cumprimento da legalidade vixente figure, para o seu uso, tanto na esfera do público como no privado, OURENSE como único topónimo recoñecido.

4º.- MOCIÓN DE URXENCIA.-

Neste punto deuse conta da presentación dunha proposta da Presidencia, consistente na aprobación da programación anual e prezos públicos da Escola de Gaitas da Deputación Provincial de Ourense 2018-2019. Por unanimidade, a comisión declara a urxencia do seguinte asunto:

4ª.- APROBACIÓN DA PROGRAMACIÓN ANUAL E PREZOS PÚBLICOS DA ESCOLA DE GAITAS DA DEPUTACIÓN PROVINCIAL DE OURENSE 2018-2019.-

O Sr. presidente dá conta do contido da proposta da Presidencia.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

1º.- Aprobar a programación anual da Escola de Gaitas da Deputación Provincial de Ourense para o curso 2018-2019, co seguinte contido:

a) Accións formativas que se desenvolverán:

Ciclo elemental gaita:

Preparatorio 1: 20 prazas

Preparatorio 2: 20 prazas

Ciclo medio gaita:

1º curso: 40 prazas

2º curso: 40 prazas

3º curso: 40 prazas

Ciclo superior gaita:

1º curso: 10 prazas

2º curso: 10 prazas

3º curso: 10 prazas

4º curso: 5 prazas

Curso especial para adultos gaita:

1º curso: 40 prazas

2º curso: 20 prazas

Percusión:

1º curso: 20 prazas

2º curso: 20 prazas

3º curso: 20 prazas

Curso especial: 10 prazas

Canto e pandeireta:

Preparatorio 1: 15 prazas

Preparatorio 2: 20 prazas

1º curso: 20 prazas

2º curso: 20 prazas

3º curso: 20 prazas

Curso adultos canto e pandeireta:

1º curso: 30 prazas

2º curso: 30 prazas

Zanfona:

1º curso: 10 prazas

2º curso: 10 prazas

3º curso: 10 prazas

b) Calendario de actividades:

Os cursos iniciaranse o 1 de outubro e finalizarán o 29 de xuño, impartíndose hora e media semanal por materia, aparte do mesmo tempo de ensaio semanal e actuacións coas distintas agrupacións da Escola.

c) Prazos e procedemento de inscrición:

O prazo de matriculación será do 3 de setembro ao 30 de outubro de 2018, ambos incluídos, aprobándose o proceso de admisión e apertura do prazo de matrícula mediante Decreto da Presidencia, conforme co establecido nos artigos 6 a 9 da ordenanza reguladora.

Admitiranse como válidas as solicitudes de matrícula presentadas polos interesados antes da apertura formal do prazo de matrícula, considerándose presentadas para estes efectos o primeiro día do prazo.

No suposto en que o número de solicitudes exceda o de prazas dispoñibles, a selección dos solicitantes efectuarase mediante sorteo público. Non obstante o anterior, a Xunta de Goberno poderá ampliar o número de prazas, trala proposta previa do director da escola, sempre que quede garantida a calidade do ensino e que a ampliación non implique incremento do gasto para a Deputación Provincial.

Excepcionalmente, e en función da existencia de vacantes e da demanda, a Presidencia poderá abrir períodos extraordinarios de matrícula ao longo do curso, dirixida a alumnos estranxeiros ou grupos de centros galegos da emigración.

d) Prezos públicos:

O prezo da matrícula por curso académico e materia será de 40 euros. En caso de varios membros da mesma unidade familiar, o primeiro membro pagará 40 € por matrícula e os restantes 15 € cada un deles.

Aplicarase unha bonificación do 100% aos alumnos que sexan desempregados ou fillos de desempregados.

O pagamento da matrícula poderá realizarse do seguinte xeito:

- Pagamento total da matrícula no momento de realizar a inscrición.

- Pagamento fraccionado en 3 prazos, do seguinte modo: 20 euros no momento de realizar a inscrición e 10 euros nos 15 primeiros días dos segundo e terceiro trimestres de cada curso académico.

2º.- Establecer a estrutura xeral das ensinanzas que se impartirán na Escola Provincial de Gaitas, nos seguintes termos:

- As ensinanzas de gaitas estrutúranse en tres ciclos (elemental, medio e superior). O ciclo elemental componse de dous cursos, o ciclo medio de tres cursos e o ciclo superior de catro cursos.
- As ensinanzas de percusión estrutúranse nun único ciclo, dividido en tres cursos.
- As ensinanzas de canto e pandeireta estrutúranse en dous ciclos: elemental (dous cursos) e superior (tres cursos).

Complementariamente á dita estrutura fundamental, ofértanse cursos especiais para adultos nas disciplinas de gaita, percusión, canto e pandeireta. A programación dos diferentes cursos serán definidas polo director da Escola de Gaitas e estarán dispoñibles para os interesados nas dependencias da Escola.

3º.- Ordenar a publicación no BOP deste acordo, para xeral coñecemento.

5º.- ROGOS E PREGUNTAS.- Non se producen.

E, ás 18:20 horas, dáse por finalizada a reunión, redactándose a presente acta, que asinan o presidente e o secretario. Certifico.